



Wie die choniginne mit ander zerrysen.

XIV. Auentiure.

D

or einer vespercite. man vsem hove sach.
 ze rossen manigen rechen. hofir vnt dach.
 was alle; vol durch schowen. von luten vberal.
 do warn ouch die frowen. zen venstern chomen inden sal.

Ze samene do gefazen. die kuniginne rich.
si reiten von zwein rechen. die wären lobelich.
do sprach die frowe Chriemhilt. ih han einen man.
das elliv diu riche. zuo sinen henden solden stan.

Des antwort ir Prunhilt. das mohte vil wol sin.
ob niemen mere enlebte. wan sin vnt din.
so mohten im die riche. wol wesen vndertan.
die wile aber lebt Gunther. so chundez nimmer ergan.

Do sprach aber Chriemhilt. nu sihstu wier stat.
wie rehte herrenliche. er vor den rechen gat.
alsam der lichte mane. vor den sternen stat.
des muo ich wol von schulden. tragen vrolichen muot.

Do sprach die huffrowe. swie wätlich si din man.
swie schone vnt swie biderbe. so muostu vor im lan.
Gunthern den rechen. den edeln pruder din.
der muo vor allen kunigen. mit lobe wätliche sin.

Des antwort ir Chriemhilt. so tiwer ist wol min man.
das ich in ane schulde. niht gelobet han.
an vil manigen tugenden. ist sin ere gros.
gelobest du des Prunhilt. er ist wol Gunthers genos.

Dane soltu mir es Chriemhilt. zarge niht vervan.
wande ich doch ane schulde. die rede niht han getan.
ich hort si iehn beide. do ihf alrerste sach.
vnt da des kuniges wille. an mine libe geschach.

Vnt da er mine minne. so ritterlich gewan.
do iach des selbe Sturrit. er wäre skuniges man.
des han ich in for eigen. sit ihf in horte iehn.
do sprach die frowe Chriemhilt. so wär mir vbel geschehn.

Wie heten so geworben. die edeln bruder min.
das ich eigen mannes. wine solde sin.
des wil ich dich Prunhilt. vil vriuntlichen biten.
das du die rede lazeft. mit vil minneklichen siten.

Ine mag ir niht gelazen. sprach do des kuniges wip.
zwiv sold ich verchiesen. so maniges rechen lip.
der uns mit dem kunige. ist dienstlich undertan.
mich mvete das ich so lange. niht zinsse von im gehabt han.

Du moft in von im verchiesen. das er dir nimmer bi.
wone deheiner dienste. er ist tiwrrer danne si.
Gunther min broder. du solt nimmer das gelebn.
das er dir zinsff deheinen. von sinen landen mvse gebn.

Du zivhest dich zehohe. sprach aber des kuniges wip.
nv wil ich sehn gerne. ob man den dinen lip.
habe zefolhen eren. als man den minen toot.
die frowen waren beide. harte zornich gemvot.

Do sprach div frowe Chriemhilt. das mvz et nv gesehn.
sit du mines mannes. for eigen hast veriehn.
nv mvzen hvte chiesen. der zweier kunige man.
ob ich vor kuniges wibe. torre zvo der kirchen gan.

Ich lase dich wol sehwen. das ich bin adel vri.
min man ist verre tiwerr. danne der dine si.
da mite wil ich selbe. niht bescholten sin.
du moftte das hinte chiesen. wie div eigene div din.

Ze hove ge vor rechen. in Ouregonde lant.
ich wil selbe wesn edeler. danne iemen habe bechant.
deheine kuniginne. div chrone ie her getvroch.
do hvop sich vnder den frowen. grozes nides genvoch.

Do sprach aber Prunhilt. wilto niht eigen sin.
so muostu dich scheiden. von den frowen min.
mit dinem ingefinde. da wir zem munster gan.
entriwen sprach do Chriemhilt. daz sol werden getan.

Nu kleidet ioch min magede. sprach Siwrides wip.
ez muoz ane schande. beliben hie min lip.
ir solt daz lazen schowen. vnt habt ir riche wat.
si mac sin lovgen gerne. des Prunhilt veriehn hat.

Man moht in lihte raten. sie sochten richiu chleit.
da wart vil wol gezieret. manic frowe vnt meit.
do gie mit ir gefinde. des edeln wirtes wip.
zewnsche wart gechleidet. der schonen Chriemhilt lip.

Mit drin unt vierzech meiden. di brahtes an den kin.
die trugen lichte pfelle. geworht in Arabin.
suf chomen zu dem munster. die meide wolgetan.
ir warten vor dem hause. alle Siwrides man.

Die lute nam des wnder. wa von daz geschach.
daz man die kuniginne. nu gescheiden sach.
daz si niht bi ein ander. giengen alsam e'.
da von wart manigem degene. sit vil forchlichen we.

Hie stont vor dem munster. daz Guntheres wip.
do hete kurzewile. vil maniges rechen lip.
mit den schonen frowen. der si da namen war.
do chome diu edel Chriemhilt. mit maniger herlichen schar.

Swa3 kleider ie getrugen. edeler ritter kint.
wider ir gefinde. was iz gar ein wint.
si was so rich des gotes. daz drizech kunige wip.
niht mohten wol erzingen. daz tet der Chriemhilt lip.

Ob iemen wnschen solde. der chunde niht gesagn.
daz man so richen chleider. gesehe ie mer getragn.
als inder wile trogen. ir meide wolgetan.
wan zeleide Prunhilde. ez hete Chriemhilt verlan.

Ze samne si do chomen. vor dem munster wit.
ez tet die huffrowe. durch einen grozen nit.
die edeln Chriemhilde. hiez si stille stan.
ia sol vor kuniges wibe. nimmer eigen die gegan.

Do sprach die frowe Chriemhilt. zornic was ir mvot.
chundest noch gefwigen. daz wære dir guot.
du hast gefehendet selbe. den dinen schonen lip.
wie mac immer chebse. mit rehte werden chuniges wip.

Wen hastu hie verchebset. sprach des kuniges wip.
daz ton ich dich sprach Chriemhilt. den dinen schonen lip.
minnet erste Sidrit. min vil lieber man.
ia enwas ez niht min broder. der dir den magetvorn an gewan.

War chomen dine sinne. ez was ein arger list.
zwo lize du in minnen. sit er din eigen ist.
ich hore dich sprach Chriemhilt. ane alle schulde klagn.
entriwen sprach do Prionhilt. daz wil ich Gunthere sagn.

Dich hat din obermwete. sprach Chriemhilt betrogen.
du hast mich zedienste. mit rede dich an gezogen.
daz wisse inrechten triwen. ez ist mir immer leit.
getriwer heinliche. werde ich dir nimmer mer bereit.

Prionhilt do weinde. Chriemhilt niht langer lie.
vor des kuniges wibe. inz munster si do gie.
mit ir ingesinde. do hvop sich grozer has.
des wreden lichtiv ougen. vil starche trebe vnt naz.

Swaz man gote gediente. oder iemen da gesach.
des duhte Prunhilde. diu wile gar zelanch.
wand ir was vil treube. der lip vnt al der muot.
des muosin sit engelten. rechen chvone vnt goot.

Prunhilt mit ir frowen. gie for daz munster stan.
si gedahte mich mu; Chriemhilt. mere horen lan.
des mich so lote zihet. daz wort hoerte wip.
vnt hat er sichs gervemet. ez gat Siwirde an den lip.

No chome diu frowe Chriemhilt. mit manigem chonen man.
do sprach diu huffrowe. ir solt mich ez lan verstan.
ir iahet min zechtsen. daz sult ir lazen sehn.
vnt sult ez hie bewären. wa mir das laster si geschehen.

Do sprach diu schone Chriemhilt. ir möht mich lazen gan.
ich erzigez mit dem golde. daz ich an der hende han.
daz brahte mir min vriedel. do er erste bi dir gelach.
nie gelebte Prunhilt. deheinen leidern tach.

Diz golt ich wol erchenne. ez wart mir verstoln.
sprach diu kuniginne. vnt ist lange mich verholn.
ich chym es an ein ende. wer mirz habe genomen.
die frowen beide waren. ingroz vngemvete chomen.

Do sprach aber Chriemhilt. ine wilz niht wesn diep.
du mohtes wol gedaht han. vnt wäre dir ere liep.
ich erzigez mit dem gurtel. den ich hie umbe han.
daz ich ez niht enliuge. ia wart min Siwir din man.

Von Kinnive der siden. si den porten trooch.
von edelem gesteine. goot was er genvoch.
do den Prunhilt gesach. weinen si began.
daz moze vreisichen Gunther. vnt alle Buregonde man.

Do sprach die kuniginne. heizet her gan.
den fursten vom Rine. ich wil in horen lan.
wie mich hat gehonet. siner swester lip.
si sagt hie offentliche. ich si Sivrides wip.

Der kunic chome mit rechen. weinen er do sach.
die sinen trütinne. wie gotlich er sprach.
saget mir liebiv frowe. was ist ir getan.
si sprach vil lieber herre. von schulden mvo; ich trurich stan.

Von allen minen eren. mich die swester din.
gerne wolde scheiden. dir sol geklaget sin.
si giht mich habe gechebset. Sivrit ir man.
do sprach der kunic Gunther. so hetes vbele getan.

Si treit hie minen gutil. den ich lange han verlorn.
vnt och min guldin vingerlin. das ich ie wart geborn.
das mvo; mich immer riwen. done beredest mich.
kunic der grozen schanden. das diene ich immer umbe dich.

Do sprach der kunic Gunther. nu lat in her gan.
hat er sichs gervemet. das sol er horen lan.
oder sin mvo; lougen. der helt v; Niderlant.
den Chriemhilde vriedel. hiez man bringen sa sehant.

Do der herre Sivrit. die ungemvoten sach.
ern wiste niht der märe. wie balde er do sprach.
was weinent dise frowen. das het ich gerne erchant.
oder von welhen schulden. der kunic habe nach mir gesant.

Do sprach der chunic Gunther. das ist mir durch dich leit.
mir hat min frowe Prunhilt. ein märe hie geseit.
du habst dich des gervemet. das du ir schonen lip.
erste habest geminnet. das seit frowe Chriemhilt din wip.

Do sprach der herre Sivrit. unt hat si das geseit.
e' daz ich erwinde. ez sol ir werden leit.
unt wil dir das enpfuren. vor allen dinen man.
mit minen hohen eiden. daz ichs ir niht gesaget han.

Do sprach der kunich von Rine. daz soltu lazen sehen.
daz gerichte daz du biotest. vnt mac daz hie geschehn.
aller valschen dinge. wil ich dich ledic lan.
man hiez 300 zeime ringe. die stolzen Ouregonde gan.

Sivrit gein dem eide. hohe bot die hant.
do sprach der kunic riche. mir ist so wol erchant.
iwer groz vnschulde. ich wil iuch ledic lan.
des iuch min swester zihet. daz ir des nine habt getan.

Do sprach aber Sivrit. genozet es min wip.
daz si so hat betrubet. den Prunhilde lip.
daz ist mir sicherlichen. ane mase leit.
do sahen 300 zein ander. die guten ritter gemeit.

Man sol so frowen ziehen. sprach Sivrit der degn.
daz si vppekliche spruche. lazen vnder wegen.
verbiot ez dine wibe. der minen tvon ich sam.
ir grozen vnsuge. ich mih wärlichen scam.

Mit rede was gescheiden. manic schone wip.
do trovet also fere. der Prunhilde lip.
daz ez erbarmen moose. die Gunthers man.
do chom von Tronege Hagene. 30 finer frowen gegan.

Er pragte was ir wære. weinende er si vant.
do sagtes im diu mære. er lobt ir sa zehant.
daz ez erarnen moose. der Chriemhilden man.
oder ern wolde nimmer. dar vmbe vrolich gestan.

Zo der rede chom Ortwin. vnt och Gernot.
da die helde rieten. den Sivrides tot.
dar zo chom och Gifelher. der edeln Vten kint.
do er ir rede gehorte. er sprach vil gutlichen sint.

Owe ir guten knechte. warumbe tuot ir das.
iane gediente Sivrit. nie alsolhen haz.
das er darumbe solde. verliesen sinen lip.
ia ist es harte lihte. darumbe zornent div wip.

Soln wir gowche ziehen. sprach aber Hagene.
des habent lozzil ere. so gute degene.
das er sich hat gervemet. der lieben frowen min.
darumbe wil ich sterben. es enge im an das leben sin.

Do sprach der kunic Gunther. ern hat uns niht getan.
wan getriwer dienste. man sol in lebn lan.
was tovg ob wir dem degene. wärn nu gehaz.
er was vns ie getriwe. vnt tet vil willechliche das.

Do sprach vser Mezen. der degen Ortwin.
iane kan in niht gehelfen. div groze sterche sin.
erlobt mirz min herre. es mooz im werden leit.
do heten im die degene. ane schulde widerseit.

Do liezen siz beliben. spilen man do sach.
hey was man starcher sefeste. vor dem munster brach.
vor Sivrides wibe. al zo dem sale dan.
do wrden in vnmvote. genuge Gunthers man.

Sin gevolgete niemen. niwan das Hagene.
riet alle cite. Gunther dem degene.
ob Sivrit niht enlebte. so wrde in vndertan.
vil der kunige lande. der helt do tvoren began.

Er sprach nu lat beliben. den mortlichen zorn.
er ist uns zefelden. vnt zen eren geborn.
ouch ist so grimme chpene. der vil starche man.
ob er sin innen wrde. sone torst in niemen bestan.

Nein ich sprach do Hagene. ir muget wol stille dagn.
ich kanz heinliche. wol also an getragen.
daz Prunhilde weinen. sol im werden leit.
ia muoz im von Hagene. immer wesen widerseit.

Do sprach der kunic Gunther. wie mohte daz ergan.
des antwert im Hagene. ich wilz ouch horen lan.
wir heizen boten riten. zu zuns indaz lant.
wider sagen offentliche. die hie niemen sin bechant.

So iehet vor den gesten. daz ir vnt iwer man.
wellet herverten. also daz ist getan.
so lobt er indie reise. des vliuget er den lip.
da man in mac verhowen. diu märe saget mir sin wip.

Der kunic geuolget vbele. Hagene sinem man.
vil michel vntriwe. begunden tragen an.
e' iemen daz erfunde. die rechen v3 erchorn.
von zweier frowen bagen. wart vil der degene verlorn.